

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**GRAD BOSANSKA KRUPA**  
**GRADSKI ORGAN UPRAVE**

**Broj: 07-11-5-6400/23-LOT 2**

Bosanska Krupa, 07.09.2023.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), u otvorenom postupku nabavke radova s namjerom provođenja e-aukcije – Izgradnja sportske dvorane u gradu Bosanska Krupa- II faza, za LOT 2: Radovi na elektroinstalacijama sportske dvorane, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

**ODLUKU**

**o izboru najpovoljnijeg ponuđača za LOT 2**

1. Prihvata se ponuda ponuđača **d.o.o „ELMONT“ Bos. Krupa**, u predmetu nabavke radova: – **Izgradnja sportske dvorane u gradu Bosanska Krupa- II faza, za LOT 2: Radovi na elektroinstalacijama sportske dvorane**, sa cijenom u ukupnom iznosu od **196.452,00 KM bez PDV**, odnosno **229.848,84 KM sa PDV- om**.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama.
3. Po konačnosti ove odluke sa izabranim ponuđačem potpisat će se ugovor o izvođenju radova na elektroinstalacijama sportske dvorane.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-6400/23 od 1.8.2023. godine. Javna nabavka je provedena putem otvorenog postupka s namjerom provođenja e-aukcije– Izgradnja sportske dvorane u gradu Bosanska Krupa- II faza i to za više lotova: LOT 1 Građevinsko- zanatski radovi na objektu sportske dvorane LOT 2 Radovi na elektroinstalacijama sportske dvorane LOT 3 Instalacije grijanja, hlađenja i ventilacije na objektu sportske dvorane i LOT 4 Pristupna cesta za sportsku dvoranu – I faza ( formiranje pristupne ceste).

Obavještenje o nabavci broj: 1272-1-3-104-3-91/23 od 1.8..2023. godine i ispravka za obavještenje o nabavci 1272-1-3-104-8-99/23 od 11.8.2023. godine objavljeno na portalu JN (TD od dana 1.8.2023. godine preuzelo ukupno 26 ponuđača, ispravku TD od dana 11.8.2023. godine preuzelo 10 ponuđača i TD od dana 17.8.2023. godine preuzelo 8 ponuđača ) i u „Službenom glasniku BiH“, broj: 54/23 od 4.8.2023. godine i 57/23 od 18.8.2023. godine.

Po objavljenom obavještenju rok za prijem ponuda je bio 04.09.2023. godine do 13,00 sati. Do označenog roka za prijem ponuda na protokol Ugovornog organa za **LOT 2- Radovi na elektroinstalacijama sportske dvorane**, pristigla je jedna ponuda, kako je konstatovano od strane Komisije za provođenje postupka javne nabavke na zapisniku o otvaranju ponuda i to ponuda:

1. **d.o.o „ELMONT“ Bos. Krupa**, broj protokola: 07-11-5-6400-4/23 dana 4.9.2023. godina u 10:02 sati (1 koverta za lot 2),

Komisija za provođenje postupka javne nabavke je u skladu sa tenderskom dokumentacijom dana 4.9.2023. godine u 13,30 sati izvršila javno otvaranje ponuda i na zapisnik konstatovala:

- 1. Ponuđač d.o.o „ELMONT“ Bos. Krupa dostavio je ponudu za LOT 2:**  
cijena ponude: **196.452,00 KM bez PDV,**  
iznos PDV: **33.396,84 KM**  
ukupna cijena ponude: **229.848,84 KM sa PDV- om,**  
Nema popusta

Komisija je konstatovala da je ponuda ponuđača d.o.o. „ELMONT“ Bos.Krupa za LOT 2 -Radovi na elektroinstalacijama sportske dvorane, potpuna, ispravna u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze, kao i da računskih grešaka nije bilo), te da je cijena ponude u okviru procijenjene vrijednosti.

Također je konstatovano da je u ovom postupku predviđeno provođenje e-aukcije, ali se ista neće provoditi, jer je zaprimljena samo jedna prihvatljiva ponuda, a shodno članu 3. stav (3) Pravilnika o načinu korištenja e-aukcije.

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predložila je Ugovornom organu da donese Odluku o izboru najpovoljnijeg ponuđača i to „ELMONT“ d.o.o. Bos. Krupa i zaključi Ugovor s istim.

S obzirom da je kriterij za dodjelu ugovora „najniža cijena tehnički zadovoljavajuće ponude, “ da je ponuda ponuđača „ELMONT“ d.o.o. Bos. Krupa jedina pristigla ponuda za LOT 2, prihvatljiva i u okviru procijenjene vrijednosti predmetne nabavke, Ugovorni organ je odlučio kao u dispozitivu odluke.

#### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:  
Selma Bužimkić, dipl. pravnik

Dostavljeno:  
1. „ELMONT“ d.o.o. Bos. Krupa putem e-maila  
2. U spis  
3. a/a

**GRADONAČELNIK**  
Armin Halitović